



## Terenga 4: Hōtaka 27 – Kei te āhua o...

### He Mihi

Tēnā anō rā koutou, kei ngā waewae kai pakiaka o te ngahere o Ako. Mō koutou kāore anō kia waia ki te ngahere nei, e waewae tapu mai ana rānei, nau mai, kia nanī ai te ngahere i ō tātou reo.

### Hei Mahi Whakarongo

E haere ake nei ngā whakamārama a taku hoa, a Hana mō tētehi whakataukī nāna i tito hei ārahi i te hunga whakaipoipo. Anei ngā pātai hei whakautu mā koutou:

1. He aha ngā rākau e rua e whakatauritehia ana?
2. He aha ngā tohutohu ki te wahine?
3. He pai ake tētehi rākau i tētehi?

Kia tahuri tātou ki te whakaoko ki te uri o Kāi Tahu, o Kāti Māmoe, ki a Hana O'Regan.

### He Whakamārama

Ki te whiua ētehi pātai hei whakautu mā te tangata, ehara i te mea kotahi te whakautu tika. I te nuinga o te wā, **kei te āhua o** te titiro a te kaiwhakautu. Kia tirohia e tātou tēnei kīanga Māori hei kawē i te wairua o te kīanga Pākehā e whai ake nei:

**Kei te āhua o...** = *It depends on...*

- |   |                                      |
|---|--------------------------------------|
| 1. Ko wai te iwi kaha o ngā iwi katoa?  | Kei te āhua o ō whakaaro.            |
| 2. Ko wai te Atua o te ao?              | Kei te āhua o tō whakaponono.        |
| 3. He aha te kai reka rawa atu o te ao? | Kei te āhua o tō ngao.               |
| 4. Ko whea te whenua rangatira o te ao? | Kei te āhua o ō wheako haereere.     |
| 5. He rangatira ngā mahi a Māui?        | Kei te āhua o tō titiro ki āna mahi. |

### Hei Mahi

**Whakamāoritia ngā rerenga kōrero e whai ake nei.**

1. It depends on your perspective.
2. It depends how long we'll be away.
3. It depends on how I feel on the day.
4. It depends how determined they are.
5. It depends on the judge's decision.

### Whakautu:

1. Kei te āhua o tō titiro/tirohanga.
2. Kei te āhua o te roa e ngaro ana tātou.
3. Kei te āhua o aku piropiro i taua rangi.
4. Kei te āhua o tō rātou manawa tītī.
5. Kei te āhua o te whakatau a te kaiwhakawā.